

新荷

水梔子

東馬塍

弄花香滿衣

立春日粧成宜春花

春陰

夏夜乘涼

陳梅莊

三首

述懷

黃氏女

一首



感懷

王瓊奴 一首

答外

葉桂 一首

題琵琶亭

謝氏 一首

送外

連倩女 一首

寄陳彥臣

溫婉 一首

寄情

丘氏 一首

寄外

賈蓬萊 一首

謝姊惠鞋

王氏 一首

寄舒王

士人妻 一首

寄鞋鞮詩

賀鑄姬 一首

歷代詩選 卷九
三

趙葵姬 一首

摘青梅

桂英 一首

戲呈

周氏 一首

贈陳箴

譚意歌 一首

寄外

楚娘 一首

桂花

歷朝閨雅卷九

經筵日講官起居注翰林院掌院學士兼禮部侍郎教習庶吉士加六級臣揆敘奉
敕纂進

七言絕句

宋

楊太后

宮詞

瑞日曛曛散曉紅
乾元萬國珮丁東
紫宸北使班纔退
百辟同趨德壽宮

其二

元宵時雨賞宮梅恭請光堯壽聖來醉裏君王扶上
輦鑾輿半仗點燈回

其三

柳枝挾雨搖新綠桃葉含風破小紅天上春光偏得
早嗟峨宮殿五雲中

其四

海棠花裏奏琵琶沉碧池邊醉九霞禁籞融融春日
靜五雲深護帝王家

其五

天中聖節禮非常躬率羣臣上壽觴天子捧盤仍再

拜侍中宣達近龍牀

其六

水殿鈎簾四面風荷花簇錦照人紅吾皇一曲薰絃
罷萬俗泠泠解愠中

其七

繞堤翠柳忘憂草夾岸紅葵安石榴御水一灣清徹
底晚涼時泛小龍舟

其八

薰風宮殿日長時靜運天機一局棋國手人人饒處
着須知聖算出新奇

其九

雲影低涵栢子池秋聲輕度萬年枝要知玉宇涼多
少正在觀書乙夜時

其十

瓊牕宮漏滴銅壺午夢驚回落井梧風遞樂聲來玉
宇日移花影上金鋪

其十一

涼生水殿樂聲悠釣得金鱗上御鈎聖德至仁元不
殺指揮皆放小池頭

其十二

秋高風動角弓鳴臂健常嫌斗力輕玉陛纔傳看御
箭中心雙中謝恩聲

其十三

用人論理見宸衷賞罰刑威合至公天下監司二千
石姓名都在御屏中

其十四

家傳筆法學光堯草聖真行說兩朝天縱自然成一
體謾誇虎步與龍跳

其十五

泛索坤寧日一羊自從正位控辭章好生躬儉高千

古風化宮嬪只淡妝

其十六

宮槐映日翠陰濃
薄暑應難到九重
節近賜衣爭試
巧彩絲新樣起盤龍

其十七

角黍冰盤餽飢裝
酒闌唱歇泛瑤觴
近臣誇賜金書
扇御侍爭傳佩帶香

其十八

一朵榴花插鬢鴉
君王長得笑時誇
內家衫子新番
出淺色新裁艾虎紗

其十九

簾幙深深四面垂
清和天氣漏聲遲
宮中閣裏催繡
繭要趁親蠶作五絲

其二十

小樣盤龍集翠裘
金羈緩控五花驄
繡旗開處鈞天
奏御棒先過第一籌

李清照

春殘

春殘何事苦思鄉
病裏梳頭恨最長
梁燕語多終日
在薔薇風細一簾香

王氏

雪中觀妓

梁王宴罷下瑤臺
窄窄紅鞋步雪來
恰似陽春三月暮
楊花飛處牡丹開

劉氏

寄外

畫扇停揮白晝長
清風細細襲衣裳
女童來報新笏酒
安得良人共一觴

朱淑真

春日雜書

春來春去幾經過
不似今年恨最多
寂寂海棠枝上月
照人清夜欲如何

秋夜

夜久無眠秋氣清
燭花頻剪欲三更
鋪牀涼滿梧桐月
月在梧桐缺處明

晴和

海棠深院雨初收
苔徑無風蝶自由
寂寂珠簾歸燕未
子規啼處一春愁

立春

自折梅花插鬢端
韭黃蘭茁簇春盤
潑醅酒軟渾無

力作惡東風特地寒

中春書事

乳燕調雛出畫簷遊蜂喧翅入珠簾日長無事人慵
困金鴨香銷懶更添

落花

連理枝頭花正開妬花風雨便相催願教青帝長爲
主莫遣紛紛點翠苔

春日雜書

柳垂新線膩煙光紫燕惺鬆語畫梁午睡忽驚雞唱
罷日移花影上牕香

其二

濛濛細雨濕香塵似欲藏鴉柳色新鬪草工夫渾忘
却祇憑詩酒破除春

下湖卽事

晴波碧漾接長空書館春寒柳曳風隔岸誰家脩竹
裏杏花斜映一枝紅

新荷

平陂浮動洛妃鈿翠色嬌圓小更鮮蕩漾湖光三十
頃未知葉底是誰蓮

水梔子

一痕春寄小峰巒
蒼蘂香清水影寒
玉質自然無暑意
更宜移就月中看

東馬塍

一塍芳草碧芊芊
活水穿花暗護田
蠶事正忙農事急
不知春色爲誰妍

弄花香滿衣

艷紅影裏擷芳菲
沾惹春風兩袖歸
夾路露桃渾欲笑
不禁蜂蝶遶人飛

立春日粧成宜春花

青幡碧勝鏤金勺
柳色梅花逐指新
却笑尚爲兒女

態寶刀剪綵強爲春

春陰

楊花攪亂少年心
怕雨愁風用意深
付與酒杯渾不管
從教天氣作春陰

夏夜乘涼

滿意好風生水面
趣人明月到天心
此時情緒誰能會
獨坐中庭夜已深

陳梅莊

述懷

一寸柔腸萬疊縈
那堪更值此春情
黃鸝知我無心

緒飛過花梢噤不聲

其二

一片愁心怯杜鵑懶妝從任鬢雲偏怕郎說起陽關
意常掩琵琶第四絃

其三

山城落日弄昏黃又了平生半日忙侍妾不須燒絳
蠟讓他明月入回廊

黃氏女

感懷

欄干閑倚日偏長短笛無情苦斷腸安得身輕如燕

子隨風容易到君傍

王瓊奴

答外

茜色霞箋照面頰玉郎何事太多情風流不是無佳
句兩字相思寫不成

葉桂

題琵琶亭

樂天當日最多情淚滴青衫酒重傾明月滿船無處
問不聞商女琵琶聲

謝氏

作入琵琶聲

送外

此去惟宜早早還休教重起望夫山君看江上千竿
竹不是男兒淚染斑

連倩女

寄陳彥臣

牛郎織女本天仙阻隔銀河路杳然今夕猶能相會
合人間何事不團圓

溫婉

寄情

郎在溪西妾岸東雙眸寄恨託溪風待郎行盡溪邊

路笑入垂楊避釣翁

丘氏

寄外

簾裏孤燈覺曉遲獨眠留得宿妝看珊瑚枕上驚殘
夢認得蕭郎馬過時

賈蓬萊

謝姊惠鞋

蓮瓣娟娟遠寄將繡羅猶帶指尖香弓彎着上無行
處獨立花陰看雁行

王氏

寄舒王

西風吹入小牕紗秋氣應憐我憶家極目江山千里
恨依然和淚看黃花

士人妻

寄鞋鞵詩

細鞵官鞋巧樣新殷勤寄與讀書人好將穩步青雲
上莫向平康漫惹塵

賀鑄姬

答外

獨倚危樓淚滿襟小園春色懶追尋深思總似丁香

結難展芭蕉一寸心

趙葵姬

摘青梅

柝聲默報早朝回滿院春風繡戶開怪得無人理絲
竹綠陰深處摘青梅

桂英

戲呈

上都梳洗逐時宜料得良人見卽思早晚歸來幽閣
裏須教張敞畫新眉

周氏

贈陳筑

夢和殘月過樓西
月過樓西夢已迷
喚起一聲腸斷處
落花枝上鷓鴣啼

譚意歌

寄外

瀟湘江上探春回
消盡寒冰落盡梅
願得兒夫似春色
一年一度一歸來

楚娘

桂花

丹桂迎風蓓蕾開
摘來斜插竟相偎
清香不與羣芳

並仙種原從月裏來

歷朝閨雅卷九終

歷朝閨雅卷十目錄

七言絕句

元

鄭允端 十首

題畫

閨思

楮帳

吐綬雞

墨梅

春暮口占

庭槐

梧桐

紗幮

蒲萄

孫蕙蘭 五首

偶成

萬氏 一首

繡梅詩

賈娉娉 一首

七夕

曹妙清 一首

竹枝詞

薛氏 四首

竹枝曲

阮碧雲 一首

卽事

元氏 一首

補天花版詩

明

王司絲 一首

宮詞

沈瓊蓮 七首

宮詞

夏雲英 三首

雨晴

秋夜卽事

立秋

李氏 一首

桃花

毛錕龍 一首

紙

儲氏 一首

戲贈小姑

楊文儷 一首

聞徵瓦氏兵至

劉氏 一首

故城過父友李公舊居

馬閒卿 一首

謝寄鞋

沈紉蘭 一首

早春憶外

孟淑卿 五首

觀蓮美人圖

春歸

秋夜

登樓

秋日書懷

歷朝閨雅卷十

經筵日講官 起居注翰林院掌院學士兼禮部侍郎教習庶吉士加六級臣揆敘奉

教纂進

七言絕句

元

鄭允端

題畫

青松極望是桃花去去仙源路不賒便好解衣衝水
過洞中飯熟胡麻

閨思

芙蓉帳薄不禁秋
欹枕頻聽漏轉籌
不是夫君相棄去
男兒及壯要封侯

楮帳

昔隨阿母上蓬萊
雲氣如銀拂面來
今日夢中猶似見
梅花相對一牀開

吐綬雞

庭院春陰護薄寒
山禽飛下玉闌干
胸中錦繡無人識
閒向東風自吐看

墨梅

離離枝上雪初乾
瘦影橫斜蘸水寒
記得去年曾見

處竹籬茅舍近江干

春暮口占

舍南舍北皆春筍
密掩柴門斷客來
坐看滿林成竹後
鳳凰飛下九成臺

庭槐

風轉庭槐拂檻開
綠陰如染淨無埃
婦人不作功名夢
閑看南柯蟻往來

梧桐

梧桐葉上秋先到
索索蕭蕭向樹鳴
爲報西風莫吹却
夜深留取聽秋聲

紗幮

山中玉女煙霞洞天上仙人雲霧牕竹枕夢回清漏
斷一涼如水浸秋江

蒲萄

滿筐圓實驪珠滑入口甘香冰玉寒若使文園知此
味露華應不乞金盤

孫蕙蘭

偶成

樓前楊柳發新枝樓上春寒病起時獨坐小牕無氣
力隔簾風斷海棠絲

其二

綠牕寂寞掩殘春繡得羅衣懶上身昨日翠帷新病
起滿簾飛絮正愁人

其三

春雨隨風濕粉墻園花滴滴斷人腸愁紅怨白知多
少流過長溝水亦香

其四

小牕今日繡鍼閒坐對銀蟾整翠鬟凡世何曾到天
上月宮依舊似人間

其五

小娃方纔習孝經可憐嬌怯性偏靈自尋女誠牕前
讀嗔道家人不與聽

萬氏

繡梅詩

灑灑英標別樣奇歲寒心事有誰知妾心正欲同貞
白枕上殷勤繡一枝

賈娉娉

七夕

梧桐枝上月明多瓜果樓前艷綺羅不向人間賜人
巧却從天上渡天河

曹妙清

竹枝詞

美人絕似董嬌嬈家住南山第一橋不肯隨人過湖
去月明夜夜自吹簫

薛氏

竹枝曲

虎丘山上塔層層夜靜分明見佛燈約伴燒香寺中
去自將釵釧施山僧

其二

荻芽抽笋棟花開不見河豚石首來早起腥風滿城

市郎從海口販鮮回

其三

翡翠雙飛不待呼
鴛鴦並宿幾曾孤
生憎寶帶橋頭水
半入吳江半太湖

其四

百尺高樓倚碧天
闌干曲曲畫屏連
儂家自有蘇臺曲
不去西湖唱采蓮

阮碧雲

卽事

東君情意漲如瀾
畫閣鴛鴦衾夜不寒
十二樓中春色

滿好花開遍玉闌干

元氏

補天花版詩

補天手段暫施張
不許纖塵落畫堂
寄語新來雙燕子
移巢別處覓雕梁

明

王司綵

宮詞

瓊花移入大明宮
旖旎濃香韻晚風
贏得君王留步輦
玉簫嘹唳月明中

沈瓊蓮

宮詞

尚儀引見近龍牀御筆親題墨色香幸得唱名居第
一沐恩舞蹈謝君王

其二

香霧濛濛罩碧牕青燈的的燦銀缸內人何處教吹
管驚起庭前鶴一雙

其三

荳蔻花封小字緘寄聲千里落雲帆一春從不尋芳
去高疊香羅舊賜衫

其四

天子龍樓瞥見粧芙蓉團殿試羅裳水風涼好朝西
坐專把書經教小王

其五

曉臨鸞鏡整梳粧高髻新興一尺長花影瑣牕人下
直開籠自放雪衣娘

其六

明牕棊几淨爐薰閒閱仙書小篆文晝永簾垂春寂
寂碧桃花映石榴裙

其七

御柳青青燕子愁萬條齊水弄春柔春風不與閒人
贈誰去江南水上洲

夏雲英

雨晴

海棠初種竹新移流水潺潺入小池春雨乍晴風日
好一聲啼鳥過花枝

秋夜卽事

西風颯颯動羅帷初夜焚香下玉墀禮罷真如庭院
靜銀缸高照看圍棋

立秋

秋風吹雨過南樓一夜新涼是立秋寶鴨香消沉火
冷侍兒閑自理篋篋

李氏

桃花

細雨春寒江上時小桃欹樹出疎籬從教一簇開無
主終不留題崔護詩

毛鈺龍

紙

家住稽山剡水頭陳玄毛穎憶同遊榮封楮國金符
在尺素脩成五鳳樓

儲氏

戲贈小姑

天桃灼灼向牕前
春色繽紛帶紫煙
昨夜雨聲三四點
惜花人聽不曾眠

楊文儷

聞徵瓦氏兵至

繡門旗下陣如雲

一作傳聞瓦氏勇超羣

萬里提兵淨寇氛多

少材官屯海畔策勳翻仗女將軍

劉氏

故城過父友李公舊居

暮雲深鎖故城春
綠樹蒼煙舊白蘋
昔日高樓雙燕子
定巢無處往來頻

馬閒卿

謝寄鞋

金蓮小瓣墮瑤池
想像深閨結繡時
無限巧心勞遠寄
露多不忍下堦墀

沈紉蘭

早春憶外

映日初花隔檻明
春風嬾嬾透寒輕
傷心怕聽枝頭鳥
莫向王孫歸路鳴

孟淑卿

觀蓮美人圖

綠槐蟬靜日偏長
懶爇金爐百和香
莫摘池中蓮子
看個中多半是空房

春歸

落盡棠梨水拍堤
萋萋芳草望中迷
無情最是枝頭
鳥不管人愁只管啼

秋夜

荳花雨足晚生涼
林館孤眠怯夜長
自是愁多不成
寐非緣金井有啼螿

登樓

爲憐春去不登樓
纔上南樓動遠愁
滿地落花紅雨
亂接天芳草綠雲稠

秋日書懷

蟬咽庭槐泣素秋
幾行新雁度南樓
天邊莫看如鉤
月釣起新愁與舊愁

歷朝閩雅卷十終



